

# Diemeile die Sten-

de der Cron zu Behemen / An den  
Schurfürsten zu Sachssen / Vnd an den Land  
grauen zu Hessen / vor etlichen Wochen ein  
Schreiben gethan / So haben ire Schur vnd  
Fürstlichen gnaden / denselben Stenden da  
rauff Antwort gegeben / Wie die von worten  
zu worten allhie Abgedruckt / Vnd ist solchs  
Abdrucken darumb verordnet / das es von vie  
len dafur gehalten wirdet / berürte Ant  
wort sey dem wenigern teil der Sten  
de / ires ganzen inhalts furko  
men / Odder zulesen gege  
ben worden .:

\* \*  
\*

---

ANNO M. D. XLVI.

*[Faint, mirrored text, likely bleed-through from the reverse side of the page]*



ANNO M. D. XLVI.

XVI. Qu. 11869

# Von Gots gnaden

Johans Friderich / Herzog zu Sa-  
chsen / Des Heiligen Römischen Reichs /  
Erzmarschalch vnd Churfürst / Landgraff  
inn Düringen / Marggraff zu Meissen vnd  
Burggraff zu Magdeburg / Vnd  
Philipps / Landgraff zu Hessen /  
Graue zu Carzen Elnbo-  
gen / Diez Zigenhayn /  
vnd Nidda .

**V**nsern grus zuuorn / Edlen Wol-  
gebornen / Vhesten / Ersamen / Wey-  
sen lieben besondern / Als jr vns  
itzo auff vnser negstes an euch ge-  
thanes schreiben / antwort geben /  
Am Datum / vff dem Königlichem Schlos  
Praga / Montag / den abend Laurenti / Belan-  
gende Kay. Mai. Rüstung vnd gewerbe / Auch  
vnser angehefftes sinnen vnd begeren / Euch  
gegen Vns vñ vnsern Mitvorwandten / Nach-  
parlich vnd fridlich zuhalten / die haben wir  
empfangen / vnd inhalts gelesen / Welcher ge-  
stalt / vnd aus was vrsachen / vor berurt vnser  
schreiben / von vns an euch geschehen / Solchs  
A ij      werdet

werdet jr. darans befinden / Vnd ane weinel  
darans verstanden haben / Vnd das jr mit ger-  
ne gehört / das sich widderwillen vnd irrun-  
gen zwischen / Kay. May. vnd Vns / erhalten  
wollen / Sondern weret begirig zunorne-  
men / das wir vns gegen Kay. May. alles ge-  
horsams / Dergleichen jr May. sich gegen vns  
mit gnaden hetten erzeigen / So vermercken  
wir es von euch gnediglich / vnd köndten mit  
warheit / grundt vnd bestand wol schreiben /  
Das wir vns die zeit vnfers Lebens / auch bis-  
her / sonder Ahum / anders nicht gestliessen /  
Auch noch nach vnserm vormügen darnach ge-  
trachtet / Das wir an Kay. May. einen gnedig-  
sten Herrn vnd Kayser hetten haben vnd be-  
halten mügen / Solchs anch zuerlangen vnd  
zuerhalten / haben wir an vnserm vermügen /  
an nichts erwinden lassen / Sonder Vns je-  
der zeit alles gehorsams / Chur vnd Fürsten  
des Reichs / erzeigt / Das wir aber sampt  
vnsern Mitvorwandten / vmb Gotts Wort  
vnd wahrer Christlicher Religion sachen wil-  
len / das jenige bisher nicht haben annehmen/  
bewilligen / noch zulassen mügen / das man  
gerne gehabt / darumb werdet jr / vnd me-  
niglich vns billich nicht verdenccken / Dat vns  
anch / widder vnserer gewissen nicht gebühren  
wollen / do wir anch darbey / nun bey frieden  
vnd ruge ( so wir je vnd allweg zum höchsten  
gesucht

gesucht vnd gebeten / des wir Uns auff die ver-  
lauffnen handlungen thun ziehen / hetten blei-  
ben / vnd gelassen werden mügen. / So hetten  
wir vnd vnser Mitvorwandten / nichts liebers  
gewolt /  
Vnd wiewol wir vorstehen /  
das jr von ewerm König glaubwürdig / vnd mit  
gutem grund berichtet / Das Kay. May. fur-  
haben / gegen vns oder andern / nit von wegen  
des glaubens odder Religion / sondern zuehalte-  
tung gebürlichs gehorsams etc. im Heiligen  
Reich / geschicht / So mügen wir euch doch  
mit mehrer warheit vnd bestand anzeigen / das  
es darumb die gelegenheit / wie im vorigen vn-  
serm schreiben gemeldet / hat / Nemblich / das  
sein Kay. May. vnter dem schein des vngehor-  
sams / des wir / wie doch nicht vnbillich het-  
geschehen sollen / noch nie beschuldiget / viel  
weniger vberwunden / anders nichts / dann  
die vordruckung Gottes Worts / Auch waren  
Christlichen Religion / vnd des heiligen Reichs  
Libertet vnd Freyheit / darzu die ausrentung  
Vnser / vnd vnserer Mitvorwandten gemeint  
wirdet / Wie wir dann das durch vnser offen  
ansschreiben / allerley vrsachen vnd vmbstende  
haben lassen anzeigen / vnd ausfüren / Vnd  
wir euch deren etzliche / solchs daraus ferner zu  
uernemen / hieneben vbersenden. Darzu  
ist es von Uns / vnd vnsern Mitverwandten /  
in dem verwarhungs Briene / an Kayserliche  
A. iij. May.

May. weiter vnd klerer / dargethan / Welchen  
aber Kay. May. nicht wollen annemen / son-  
dern Vns widder geschickt / wie jr aus dessel-  
bigen abschrift hiebey auch werdet befinden.

Vber das / können wir euch gnediger mei-  
nung nicht verhalten / Das der AntiChrist zu  
Rom / der Babst / vnlangst vber die schrift /  
so er an die xiiij. Ort / der Eydgenossen in Sch-  
weitz / wie in bemeltem vnserm verwarungs bri-  
eff gemeldet wird / gethan / Darzu auff weiter /  
der Eydgenossen versamlungs tag / zu Baden  
im Ergaw / durch seinen nuncium Artickel der  
Bundtnus / so Kayser. May. mit dem Babst  
widder Vns vnd vnser Religion verwandten /  
vorgenomen / vffgericht / vnd eingangen / vber  
geben lassen / wie jr aus bey vorwarter Copeys-  
en / auch werdet vernemen.

Weil dann aus solchem allen klar / auch  
offentlich erscheinet / vnd die vnuermeidliche  
vnzweiffeliche warheit ist / Das der Kay-  
ser nichts anders / mit seiner Kriegsrüstung /  
dann die ausreuttung vnd vertilgung / Gottes  
Worts / vnd wahrer Christlichen Religion /  
Nach Vnser / vnd vnser Mitvorwandten / da  
es ime / welchs der Allmechtige mit gnaden  
wende / gelingen solte / Die Löbliche Freyheit  
vnd Libertet / der Deudschen Nation meinet /  
Vnd

Vnd des Bapsts Abgötterey vnd Tyranny /  
widerumb auffzurichten / vñ die löbliche Deud-  
sche Nation / inn ewige dienstbarkeit zubringen  
willens / dafur es vnfers versehens / bey euch /  
vnd meniglich erliebenden / numehr auch wür-  
det / geacht vnd gehalten werden / Vnd  
ane allen zweiffel / Gottes sonderliche schick-  
ung also ist / das diese des Kayfers / vnd Ba-  
psts / heimliche / geschwinde / vnkayserliche /  
vnd vnerbare practicken / handlungen vnd an-  
schlegen / ans liecht kommen / vnd offenbar  
werden sollen / dann sonst hette es jegen vns /  
vnd vnser Mitvorwandten / eben ein solch thun  
werden sollen / wie zur zeit / Johann Dussen /  
seliger / gegen ewern Vorfahrn / geschehen /  
So wollen wir vns nachmals gnediglich ver-  
sehen / Ir werdet euch / bemeltem vnserm vori-  
gen schreiben nach / gegen Vns friedlich vnd  
Nachbarlich halten / Vnd widder Vns / vn-  
sere Mitvorwandten / vnd vnser Land vnd  
Lente / nicht gebrauchen / noch euch ewern  
König / odder jemandts anders / bereden las-  
sen / als geschehe vnfers gegenteils furnemen  
anders / dann Gottes Worts / vnd wahrer  
Religion halben / inn was schein auch sol-  
chs / euch vnd andern / einzubilden vnterstan-  
den wird.

Vnd so

Vnd so ferne nun solchs geschicht / So  
wollen wir Vns / vnd vnser Miterwandten /  
gegen der Cron. Behem / Auch alles Nachpar-  
lichen willens / zuhalten wissen.

Als jr aber in bemelter ewern antwort / vn-  
ser des Churfürsten haben / die Erbaynung /  
vnd was darwidder mit dem Closter Dobri-  
lug / von vns gehandelt worden sein solt / ange-  
zogen / So zweiffeln wir nicht / Ir wer-  
det bericht sein / vnd wissens tragen / das sich  
ewer König vor etzlichen jaren vnterstanden /  
Vnserm Closter Grünhain / die Dörffer / so inn  
der Cron Behem gelegen / von des wegen / das  
der Apt den Habit / abe / Auch die Besti-  
schen Ceremonien niddergelegt / vnd sich inn  
Christlichen Ehestand begeben / einzun-  
emen vnd zugebranchen / Die wir auch vber vn-  
ser vielfeldig anlangen / nicht haben bekom-  
men mügen / Darumb / auch aus andern mehr  
vrsachen / Sonderlich aber / weil das Closter  
Dobrilug / von andern hat wollen eingeno-  
men werden / seind wir nicht vnbilllich bewogen  
dasselbige einzunemen / Wie wir dan ewern Kö-  
nig / das als bald / nach der lenge haben berich-  
ten / vnd anzeig dauon thun lassen / Vnd sons-  
dern zweiffel euch auch vnuerborgen blieben /  
Nach dem wir aber mit ewern Könige vff vor-  
wissen vnd bewilligen des Kayfers / vff negst  
verschieden



verschienen Reichstag zu Speir / allen irrungen / vnter andern auch ausdrücklichen / den Dobrilugischen sachen halben / endlich vertragen worden sein / wie dann etzliche aus ewermittel / vnd von den vornemsten / des gut wissens haben / Vnd zuuolstreckung des Speirischen vortrags / inn der darauff erfolgeten handlungen zum Caden vnd Dobrilug / von ewerm König vnd dem Lande / benehl gehabt / Vnd ist also der anfang / des gleichen auch der mangel / nit an vns / sondern an ewerm König gewest / wie jr aus berürtem vnsern ausschreiben / vnter andern auch werdet befinden / Vnd wissen vns nicht zuerinnern / das wir der Erbaynung jemals zugegen gehandelt / Do auch von ewerm Könige / des gleichen beschehen / vnd den auffgerichtten vortregen gebürlichen nachgegangen / So hette die Dobrilugische sache / vorlangst iren beschied erlanget.

Derwegen wir auch es gentszlich dafur achten wollen / jr werdet / wie / billich daran besetzt sein / Vnd euch gegen vns / wie gemeld / inn vngutem nicht bewegen lassen / Inn gleichnus wir widderumb / so jr vns solchs zuschreiben werdet / zuthun / auch erböttig seind / das wolten wir euch auff ewer schreiben / hinwider inn antwort nicht bergen.

Vnd seind sonst euch mit gnaden geneigt.  
Datum inn Vnserm Feldlager bey Breittenbrun / den xxij. Augusti / Anno xlvj.

B Volget

# Folget ein schrei-

ben / so obgenants Churfürsten be-  
uelhaber / inn der Chur zu Sachsen / an die  
Stende des Marggraffthumbs / Nider-  
lausnitz / vnlangst gethan / Daraus me-  
niglicher auch verstehen kan / das mit vn-  
grunde ausgebreitet wirdet / Als were der  
gedachter Churfürst / odder seine Beneh-  
haber fürhabens / berürt Marg-  
graffthumb Niderlausnitz / zu-  
überziehen / vñ anzugreifen.

**M**itgebornen / Edlen / auch Erneu-  
sten / Erborn vnd Erbsamen / Eworn  
gnaden vnd euch / sein vnser will-  
ge vnd freundliche dienst zuoran /  
Gnedige herrn / gute freund / gön-  
ner vnd Nachparn / Wir seind vngezwei-  
felt L. G. vnd euch / sey numehr vnser schreiben /  
gestern vor datum dieses Brieffs gegeben / zu-  
kommen / Darin wir vns Nachbarlicher guter  
meinung erkleret / aus was vrsachen wir etzlich  
Volck an vnser gnedigsten Herrn des Chur-  
fürsten zu Sachsen Landgrentz / gegen dem  
Marggraffthumb Niderlausnitz / vor wenigen  
tagen

22  
tagen/vorordent vnd gelegt / Vnd das  
solchs gantz vnd gar/nit der meinung besche-  
hen/berurt Marggraffthumb Niderlausnitz/  
odder jemants andern anzugreifen /darein zu-  
fallen/oder zubeschedigen / Sondern allein  
gedachts vnfers gnedigsten Herrn des Chur-  
fürsten zu Sachssen / Land vnd Vnterthanen  
mit Göttlicher hülff vnd weiterem zusatz im fall  
der notturfft /zubeschützen/Auch seiner Chur-  
f. G. vnd der iren schaden zuuorhüten / Nu  
hat vns sieder vnserm gestrigen schreiben weiter  
angelangt/als solle man E. G. vnd euch / hie  
mit wider vnsern gnedigsten Herrn den Chur-  
fürsten zu Sachssen/vnd S. Ch. f. G. Lande  
auch Lente / zu tedlichem beginnen zubewegen/  
vnterstanden haben vnd vnterstehen / Das S.  
Chur.f. G. das Closter Dobrilug mit seiner zu-  
gehörung inne haben / Vnd das auch S.  
E. f. G. sampt vnserm gnedigen Fürsten /dem  
Landgrauen zu Hessen / durch Kay. May. inn  
die Acht sollen erkleret worden sein / Soniel nun  
anlangt den Dobrilug /so habt jr vngezweiffelt  
bericht empfangen / was fur ein vortrag vff ne-  
chstem Reichstag zu Speyr derhalben auffge-  
richt / An welchs volziehung S. E. f. G. hal-  
ben / bisher kein mangel gewest / Auch was die  
Stende der Cron zu Behem / an S. Chur.f. G.  
vñ den Landgrauen vor etzlichen vnnielen ta-  
gen / vor ein schrift gethan / vnd ire Chur vnd  
f. G. iren G. vnd inen darauff / vnd sonderlich  
B ij auch

auch vnser gnedigster Herr der Churfürst / des  
Dobrilngs halben / vor ein antwort gegeben /  
Vnd wiewol wir vns versehen wollen / dieselbe  
jrer Chur vnd Fürsten G. antwort / sey ewern  
G. vnd euch auch vnnorhalten blieben / Im  
fall aber / das es noch nit beschehen wer / auch  
damit jr wissens empfabet / warumb beide jr  
Chur vnd F. G. von niemands / mit Gott vnd  
rechte vor geechtigen gehalten mügen werden /  
So thun wir euch hiebey / ein warhafftige Co-  
pey / vorberürter beider Chur vnd Fürsten ge-  
geben Antwort / vnd an die Stende der Cron  
Behem gethanen widderschreibens / Auch ei-  
nen abgedruckten jrer Chur vnd F. G. gegenbe-  
richt / wider des Kayfers vormeinte vnd nich-  
tige Acht / vbersenden / vleissig / auch freund-  
lich / vnd güttlich bittend vnd begerend / E. G.  
vnd jr / wollen solchs alles zulesen vnd zuor-  
mercken vnbeschwerd sein / Vnd sonder-  
lich auch vnser gnedigsten Herrn des Chur-  
fürsten bericht / sowiel den Dobrilng antrifft /  
welcher bericht im fall / do es zu seiner zeit von  
nöten / mit dem jungst zu Speyr auffgerich-  
tem vortrag / Auch Kayserlichen vnd König-  
lichen Brieff vnd Siegeln / vnd andern da-  
rauffernolgten handlungen vnd vrkunden / ge-  
nugsam darzuthun / Vnd haben hierauff  
E. G. vnd ewerenthalben nit zweiffel / do euch  
jemand

semandes widder vnsern gnedigsten Herrn den  
Churfürsten zu Sachsen / vorberurter vor-  
meinten vnd nichtigen Aicht / vnd des Closters  
Dobrilug halben / zu gewaltbarn furnemen /  
zubewegen vnterstunde / Ir werdet vff be-  
rurte warhafftige berichte / euch bewegen zu  
lassen / eüssen vnd enthalten / Dieweiles /  
was hieruber wolt furgenomen werden / ein  
küntlicher vnd offentlicher Landfriedbruch  
sein würde / vnd dafür gehalten müst werden /  
Damit auch E. G. vnd Ir / euch keine gedan-  
cken dürffet machen lassen / als ob vnfers gne-  
digsten Herrn des Churfürsten zu Sachsen  
Volck / der meinung an S. E. G. Landgrentz  
verordent / das es dem Marggraftumb Nider  
lausnitz schade sol zufügen / So sein wir hiemit  
erböttig / schirft wir durch E. G. vnd ewr wid-  
derschreiben werden vorstendiget / Das ir euch  
gegen vnserm gnedigsten Herrn viel genant /  
Nachbarlich halten / vnd euch zu keinem an-  
griff widder S. Chur. G. vnd derselben Lande  
vnd vnterthanen / wollet vormügen lassen /  
Vorgemelt Volck als dann / vnuorzüglich wid-  
der abzufordern / vnd vns an Stad / vnd von  
wegen S. Chur. G. widderumb nit anders /  
dann Nachbarlich befinden / zulassen / Das  
wolten wir E. G. vnd euch / den wir willige /  
freundliche vnd Nachbarliche dienste / vnd

freundschaft zuerzeigen / willig vnd bereit / nie  
vorhalten / Datum Donnerstags  
nach Michaelis / Anz  
no. XLvj.

✻ ✻

\*

Verordente Benehl.  
haber / der Chur zu  
Sachsen ..



